

NAFARROAKO GOBERNUA

GARAPEN EKONOMIKOA

ESKUBIDE SOZIALAK

OGASUNA ETA FINANTZA POLITIKA

LEHENDAKARITZA, FUNTZIO  
PUBLIKOA, BARNEA ETA JUSTIZIA

HERRITARREKIKO ETA  
ERAKUNDEEKIKO HARREMANAK

HEZKUNTZA

OSASUNA

KULTURA, KIROLA ETA GAZTERIA

LANDA GARAPENA, INGURUMENA  
ETA TOKI ADMINISTRAZIOA

SEGURTASUNA ETA LARRIALDIAK

## Argi berdea Nafarroan lagun egiteko animaliak babesteko foru-legearen proposamenari

*Helburua tratu txarrak edo abandonatzea bezalako egoerak desagerraraztea*

Asteazkena, 2019.eko urtarrilak 30

Nafarroako Gobernuak gaurko bilkuran onartutako akordioaren bitartez argi berdea eman zaio Nafarroan lagun egiteko animaliak babestearen inguruko foru-legearen proposamenari, eta horren helburua da nahi ez diren egoerak errotik kentzea, batez ere tratu txarrak edota abandonatzea bezalakoak. Ekimena parlamentuko talde hauetatik atera da: Geroa Bai, EH Bildu Nafarroa, Podemos-Ahal Dugu-Orain Bai, Nafarroako Alderdi Sozialista eta Izquierda-Ezkerra.

Gogoratu behar da Nafarroako Parlamentuak 1994. urtean onartu zuela animaliak babestearen inguruko maiatzaren 31ko 7/1994 Foru Legea, baina arau hori gainditu egin da denborak aurrera egin ahala eta eremu horretan izandako bilakaera soziala medio.

Premisa hori kontuan hartuta, proposamenean lagun egiteko animaliak babestea azpimarratzen da, komunitate edo estatu mailan lege-esparru espezifikorik ez izateagatik eta tratu txarrak edo abandonatzea bezalako egoerak desagerrarazteko dagoen premiagatik.